

北京師範大學圖書館藏稀見方志叢刊

六

北京師範大學圖書館 編

北京圖書館出版社

常熟文獻志序

三吳故文獻之國也而中吳之

尤居其先自玄黃剖判而大海

而爲長江則由常熟而起此宜無

已即禹貢三江白茆居一岐周兩護

虞仲居一孔門十哲子游居一夫是

三者三吳之所有而非常熟之所無也三吳之所無而實常熟之所所有也而猶未也入國朝而文立

二四三

吳文恪始科甲大魁自施顯

進士刺方州自楊集始夫是三

三吳之所無而常熟之所有也若夫

三月春則文懿驂焉春秋詩禮則
地名最焉其它山川土物宮室閼梁
寺宇陵墓名宦人物以及節烈仙釋
之屬與三吳同者又不可指數然則
三吳文獻孰先常熟乎纂修常熟志
者其先亡慮數人而迄于今幾八十

年第廢有文人管先生士恒者聚書
侔于鄴架博學富于惠車毅然肩斯
任焉大都諸志稍畧以爲紀載在前
也文獻獨詳以爲考覈在後也書成
而眎余謂是舉也不解衣衾不事類
柳者踰年而始就蓋士恒自嫌其鈍

也而余甚訝其敏也張衡十年左思
一紀而士恒僅踰年何其敏也事覈
而詳文簡而密何其裁也余嘗慨蘇
州郡志蕪廢亦已百年及今申王二
相國館閣鴻裁張王諸君子山林名
品必能典掌校定如劉向班固其人

而余未及造請即士恒今猶業公車
余又不能壹意造請是余缺畧之過
也夫夫使吳中有兩士恒即三吳文
獻之成可濡墨含毫而待乃何論姑
蘇志跋

吳郡守豐城李右諫謨

常熟文獻志序

不佞綰虞首稽文獻以效欽崇見舊
志蕪缺弗備心每啣之會有管士恒
先生者携所為文獻志以示受而卒
業作而嘆曰良訖詳而不雜簡而有
體自開一作者之門戶矣而其逖揆

精核卓識確品自

明興以至於今凡學行勲節之在人
典章規制之在國與夫數會遭逢之
在天罔不臚列互陳燦於指掌靜室
披玩恍焉若與二伯年間之人文上
下揖讓也乃稱良史哉此志出而虞

人士山斗承風箕裘纘緒孰不景慕
興起異日者故家子弟感奮於肯堂
閭里雋彥隆思於紹武琬琰彝鼎之
業益彬々光大皆士恒錫之類也不
佞受賜弗淺矣夫海虞文獻之傳開
自言游邈而上之若仲雍之遜周巫

咸父子之佐商皆為中原文献執牛
耳即

今代科目之設惟吳越為最盛而越
又謝吳、又推虞論其世若黃蔣魚
陳文安文靖文恪文懿莊靖汝師諸
公孰非先進之程而虞山之挺出者

執獨計文以獻著獻以文傳文獻不
足則高賢大良漸滅而無徵真沒死
者之責矣士恒具良史才志大而氣
銳其友一鄉友天下友千古若登山
者之必極其巔也虞志其有賴笑不
佞來當其世真千古之一大愉快云

賜進士出身知常熟縣事瀛海耿橘

謬



皇明常熟文獻志序

吾吳自魯成公世始通中華而常熟
文獻之傳則已肇于三代在太戊時
則有若巫咸在祖乙時則有若巫賢
父子相繼為賢相商道復興而其後
虞仲來游使天下後世曉然有味乎

知臣父子兄弟之倫子游北學而天
地文明之氣益廣大而章施之然則
閩吾吳者常熟也而閩常熟者文獻
也歷兩漢六朝之唐兩宋以逮勝國
罕有閩人文獻稍詘焉于是青烏
家言始有謂虞山重濁琴河湮塞故

其人多溫臚而寡才節余不佞則居
恒歎詫曰夫夫遠稽漢唐宋而近忘
我明乎夫漢唐宋吾無論明興以來
其世治亂人忠邪可指數也猷
高皇帝芟刈群雄而我常熟柔脆不
與于武功耳自是以後一變而